

КАНОНЫ БОЖИЕЙ МАТЕРИ НА КАЖДЫЙ ДЕНЬ

Расположенные по гласам и дням седмицы

ГЛАС ЧЕТВЕРТЫЙ

В СУББОТУ	1
В НЕДЕЛЮ	3
В ПОНЕДЕЛЬНИК	6
ВО ВТОРНИК	8
В СРЕДУ	11
В ЧЕТВЕРТОК	13
В ПЯТОК	16

В СУББОТУ¹

Канон Пресвятей Богородице

Песнь 1

Ирмос: Моря чермную пучину невлажными стопами древний пешешествовав Израиль, крестообразными Моисеевыми руками, Амаликову силу в пустыни победил есть.

Припев: Пресвятая Богородице, спаси нас.

Яже Единая в напастех и скорбех защищающая, под кров Твой, Пречистая, прибегающих тепле прими, яко Преблагая, яже от сердца моления.

Пристанище невлаемое² обрет Ты неразумный, напастныя же и нуждныя прилоги отревая, благодарное пою Ти воспевание, Богомужная Родительнице.

Слава: Милостивным и кратким Твоим оком, Богородительнице, зрящи мя во обстоянии и скорби одержима, вскоре свободи: Ты бо призываю на помощь.

И ныне: Преклонена мя, Владычице, скорбми нуждными люте, яко милостива Единая Благая Предстательница рабов Твоих, руку мольбы простри и лютых бед избави мя.

Песнь 3

Ирмос: Лук сильных изнеможе, и немощствующии препоясашася силою: сего ради утвердися в Господе сердце мое.

Оружие крепко, и стену Ты стяжав аз, побеждаю сопротивных полки, и пою величия Твоя, Богородице неискусобрачная.

Пещь разоряеши печалей и погашаеши отчаяния зной: кто бо тако, якоже Ты, Дево Богородице, упование наше?

Слава: Внутри глас раба Твоего, Твоея требующаго помощи, Богомати: упование мое, услыши мя, и напастей исхити.

И ныне: Прииде от прегрешений множества мучительство нам, нося смерть пагубную: но спаси Твоя рабы, Богородице, Ты бо можеш.

¹ Т. е. канон следует читать в субботу вечером, под воскресенье. Все каноны читаются вечером указанного дня. Слово «молебный» в названии канона означает, что Устав предполагает его исполнение на молебне.

² Тихое, небурное.

Песнь 4

Ирмос: Вознесена Тя видевши Церковь на Кресте, Солнце праведное, ста в чине своём, достойно взываючи: слава силе Твоей, Господи.

Победдши враждующих мне все, яко душу мою тщящихся люте прияти, сохрани мя, Владычице, помилуй и спаси: к Тебе бо прибегаю, раб Твой.

Избавляючи мя от языка льстивоглаголива, Благая заступнице моя, безпакостна покажи и житейских деяний: много бо можеша, яко Зиждителя Мати сущи.

Слава: Безболезненну ведый Тя целebницу немощный, духом и усты зову: исцели мя, Владычице, помилуй и спаси: к Тебе бо прибегаю, раб Твой.

И ныне: Не остави мене напастем предану быти, Мати Бога нашего, но от всякия скорби и злобы человекши сохрани невредена: Ты бо еси помощница всем нам.

Песнь 5

Ирмос: Ты, Господи мой, Свет в мир пришёл еси, Свет святыи, обращаи из мрачна невeдения, верою воспевающия Тя.

Исправи, Чистая, молитву раба Твоего ко Господу, Сыну Твоему: да обрещу разрешение многих моих прегрешений.

Избави мя страстей и бед, Богоневесто: Ты бо положи Бог очищение воистину моему смирению.

Слава: Покров мой Ты еси и присное хваление, о Владычице Богородице! Никакоже бо презираеша к Тебе прибегающих.

И ныне: Помилуй, Чистая, чтущих Рождество Твое и избави мучительства и горести человеческия: ибо имаши еже мощи.

Песнь 6

Ирмос: Пожру Ти со гласом хваления Господи, Церковь вопиет Ти, от бесовския крове очищися, ради милости от ребр Твоих истекшею кровию.

Крепость ми Сама еси, Пречистая Владычице, во обрeтших мя зело неначаянных скорбех, и вопию Ти: яко велиа еси Покровительница рабу Твоему.

Исцели душевныя моя язвы, Пречистая, заступи мя, Дево, и избави раба Твоего от оклеветания, навета же и развращения неправедна.

Слава: Сокруши на мя, присно прибегающего к Тебе, наветники неправедныя, и не остави мя погибнути: яко вся Тебе возможна, Чистая, яко Богоотроковице.

И ныне: Победи души моея свирепую волну: яко множество прегрешений, напастей и скорбей, Владычице, восташа на мя, но Сама мя спаси.

Таже: Господи помилуй, *трижды.* Слава, и ныне

Седален, глас 4:

Многими прегрешении аз, блудный, ум помрачив, вопию Твоему крепкому заступлению, Богородице: просвети души моея зеницы, возсияй ми покаяния светлую зарю и облещи мя во оружие света, Богородительнице Чистая.

Песнь 7

Ирмос: Спасый во огни авраамския Твоя отроки, и халдеи убив, яже правда праведно уловляше, препетый Господи Боже отец наших, благословен еси.

Иже от агарян насильование скоро потрeблши мечем молитв Твоих, Марие, люди и стадо Твое сохрани, Сыну Твоему зовущия: Боже отец наших, благословен еси.

Равнолепная скиния, прими мя, к Тебе прибегающего, да не примет мя враг,

погубити хотя́, зову́щаго: превозноси́мый о́тец на́ших Бо́же, благословен еси́.

Слава: Богороди́тельнице Мари́е, предвари́ раба́ Твоего́ вско́ре, в трево́лненных напáстей пото́пяемаго, не иму́щаго по́мощи, к Тебе́ же зову́ща: упова́ние концев, помилуй мя.

И ныне: Человече́ския по́мыслы́ яко́ грехо́м ви́новны, ны́не, Богороди́це Благо́я, разори́, Божество́нными Твои́ми моли́твами, и рабы́ Твоя́ изба́ви боле́зненные напáсти и вся́каго вре́да.

Песнь 8

Ирмос: Изба́вителю́ всех всеси́льне, посреде́ пла́мене благо́чествовавшия, снизше́д, ороси́л еси́ и научи́л еси́ пе́ти: вся́ дела́, благослови́те, пойте́ Го́спода.

Найде́ на ны́ язы́к беззако́нен, хваля́ся погуби́ти служи́тели Твоя́: его́же потре́бльши, Пречи́стая, покрый́ взыва́ющия: вся́ дела́, благослови́те, Го́сподня, Го́спода.

Мно́гия Твоя́ щедро́ты ми́лостивно нас спаса́ют, Еди́на Богома́ти, от грехо́внаго суда́ и разли́чных напáстей: Ты бо, ро́ждши Бо́га, милуеши мир Его́.

Слава: Яко́ Ты еси́ кре́пость и по́мощь, не бою́ся враго́в негодовáния, но пою́ Тя, Влады́чице, и вопию́ Сы́ну Твоему́: благослови́те, вся́ дела́ Го́сподня, Го́спода.

И ныне: На мо́льбу́ мою́ ны́не умилосе́рдися, и ра́дость в печа́ли ме́сто да́руй ми: да пою́ Тя, Влады́чице, и вопию́ Сы́ну Твоему́: благослови́те, вся́ дела́ Го́сподня, Го́спода.

Песнь 9

Ирмос: Ева́ у́бо недуго́м преслу́шания́ кля́тву всели́ла ест: Ты же, Де́во Богороди́це, прозябе́нием чревоноше́ния ми́рови благо́словение́ процвела́ еси́, тем Тя́ вси велича́ем.

Ору́жие у́бо на ны́ обостри́в, совеща́ет льсти́вый а́рвлянин беззако́нный: Ты же, Де́во Богороди́це, си́лою Креста́ и моли́тв Твои́х воору́жаеши на него́ рабы́ Твоя́. Те́мже пропове́даем сла́ву Твою́.

Кре́пость Тебе́ на враги́ даде́ся, Влады́чице, и изба́вление ми от бед: что же аз Тебе́ принесу́, не дове́м¹. О́баче, е́же има́м, благодарение́ приношу́ Ти: приими́ си́е ны́не и спаси́ мя.

Слава: О́ Мати́ вся́ческих Творца́ всесве́тлая, печа́льных ут́еха, пото́пяемых предста́тельница и прене́могающих засту́пница, до живота́ моего́ Ты мя сохрани́.

И ныне: Утесня́ема мя грехи́ мно́гими и беда́ми, не презри́ мене́, Всепе́тая, ны́не, Тебе́ хвале́ния же́ртву приношу́, приле́жно взыва́я Ти: Свята́я Богороди́це, помози́ ми, Ты бо сла́ва песнь скончава́ю.

В НЕДЕЛЮ Канон Пресвятей Богородице

Песнь 1

Ирмос: Мо́ря чермну́ю пучи́ну невла́жными стопа́ми дре́вний пешешествовав Израи́ль, крестообра́зными Моисе́овыма рука́ма, Амáликову си́лу в пусты́ни победи́л ест.

Припев: Пресвята́я Богороди́це, спаси́ нас.

Приими́ е́же от души́ моле́ние моё, Пречи́стая Влады́чице, Я́же Бо́га ро́ждши плóтию: к Тебе́ бо прибе́гох, к держа́вней по́мощи, да не погрешу́ наде́жды моея́.

Припада́ю раболе́пно к Тебе́, Пречи́стая Богороди́тельнице, яко́ дерзнове́ние иму́щи мно́го, от вся́ких мя скорбе́й Твои́ми моли́твами изба́ви, к Сы́ну Твоему́

¹ Не могу уразуметь.

ходатайствующи.

Слава: Моря житейскаго волнами потопляемь и напастми лютыми одержимь, ко пристанищу устремихся невлаемому, покрову Твоему: темже мя избави, Богородице, от лютых.

И ныне: Благоутробным и тихим Твоим оком возри на раба Твоего и услышати потщися, Благая, исполняющи мольбу Твоего раба, Пречистая, и разоряющи советы лукавыя.

Песнь 3

Ирмос: Веселится о Тебе Церковь Твоя, Христэ, зовущи: Ты моя крепость, Господи, и прибежище, и утверждение.

Помощница на враги, и в бранех поборница, Владычице, Ты верным еси, и прибежище сущим в печалех.

Егоже родила еси плотию Бога всех, яко Сына, моли разрешение зол моих дати ми от житейских настояний.

Слава: Призри милостивно на смирение наше, Владычице, во еже гнева належашаго избавитися рабом Твоим.

И ныне: Кровом Твоим, Владычице Благая, спасаеми присно от всяких скорбей, хвалу Сыну Твоему приношаем.

Песнь 4

Ирмос: Услышах слух Твой и убояхся, разумех дела Твоя и ужасохся, Господи.

Яко имущи дерзновение, Чистая Богородительнице, к Сыну Твоему, настоящего мя премени искушения, разрушающи советы частыя врагов, присно борющихся мя.

Лицы вышних чинов, мученицы и праведницы, со апостолы, пророк Божественных собор и преподобных, с Богородицею и Материю о нас Христа молите.

Слава: Преславную Твою Матерь, Христэ, прими молящуюся о мире, милостивно Тебе зовущую: Сыне Мой, прими мольбу Мою и утиши гнев належаший земли.

И ныне: Припадаю Ти, Богородице, и молюся из глубины сердца моего: настоящего мя премени искушения, яко да избавься от лютых, песнь принесу Твоей светлости.

Песнь 5

Ирмос: Нечестивии не узрят славы Твоея, Христэ, но мы Тя, Единородне, Отческие славы сияние Божества, от нощи утренююще, воспеваем Тя, Человеколюбче.

Упование земным и заступление, Чистая, умилосердися на наше смирение, молимся, и настоящего гнева свободи нас.

Стену небориму, Чистая, молитву Твою держаще, вопиём Ти: умилосердися, о Владычице, и видимыя враги прожени.

Слава: Хвалящиеся присно упованием еже к Тебе, Пречистая, да не постыдимся, молимся со слезами и поклоняемся Твоей благодати.

И ныне: Пречистою Твоею рукою, Препетая, разжени враги, на ны востающия: и да разумют окаяннии, яко на Тя упование возложихом.

Песнь 6

Ирмос: Возопи, прообразуя погребение тридневное, пророк Иона, в ките моляся: от тли избави мя, Иисусе Царю Сил.

Очисти наша грехи, Человеколюбче, молимся, молитвами без семени Родшия

Тя: нас бо ради, Слове, Твою честную кровь пролил еси.

Соборнице на ны лукавное соборася неправедно борющихся нас, Богоневесто: но сих низложи, яко Симона волхва древле.

Слава: Услыши нашу мольбу, Владычице, молимся, и бури волны утиши различных болезней, имиже врази на ны соборася.

И ныне: Печаль мою на радость преложит, яко щедр, и плач в веселие премени, и милосердися Богородицы ради, Иже воду в вино в Кане Галилейстей претворивый, Христэ.

Таже: Господи помилуй, трижды. Слава, и ныне

Седален, глас 4:

Многими прегрешении аз, блудный, ум помрачив, вопию Твоему крепкому заступлению, Богородице: просвети души моея зеницы и возсияй ми покаяния светлую зарю, и облецы мя во оружие света, Богородительнице Чистая.

Песнь 7

Ирмос: Не предаждь нас до конца, имене Твоего ради, и не разори завета Твоего, и не отстави милости Твоея от нас, Господи Боже отец наших, препетый во веки.

Иже в различных напастех и скорбех сый, к Тебе, Чистая, спасению моему, ныне прибегах, вопию, да не возвращуся посрамлен от чаяния моего: но услыши и избави мя сетей ловящих.

Раболепно выю преклоняю, окаянный, и от сердца моего вопию: руке простер, колена преклоняю и молю Тя, Пречистую Деву, избавитися скорбей, присно находящих мне от навета чуждаго.

Слава: Преславная Чистая Марие, земных похвало, молимся, подаждь Твою помощь нам, молящимся и кланяющимся благочестно Рождеству Твоему, яко инья не стяжахом надежды и заступницы разве Тебе.

И ныне: Яже паче ума Бога рождши неискусомужная Марие, и паче всякаго естества, заступнице верных, напрасных искушений чтущия Тя избави чисты, и без вреда от враг всяческих, видимых и невидимых.

Песнь 8

Ирмос: Руце распростер Даниил, львов зияния в роуе затче: огненную же силу угасиша, добродетелию препоясавшися, благочестия рачители отроцы, взывающе: благословите, вся дела Господня, Господа.

Руце воздети не смею к Сыну Твоему, Чистая, весь бо есмь осквернен: темже дерзаю к Тебе, Владычице, прибегнути: ходатайствуй к Щедрому Богу и благопремённому избавитися нам сопротивных враг, оскорбляющих нас.

Очи и сердце и душу на Тя, Пречистая, возложих: темже милосердися Владычице Чистая, Щедрому припадаючи о мне, худем и нетерпеливем, да спасет мя от всякия нужды и язи, и печали.

Слава: Оружием Твоим, яко силен, борущия нас поперит, Господи, и победу даруй, Владыко, верою надеющимся на Тя, Богородице молятся с Предтечею Иоанном, и апостольский лик и мученик Твоих.

И ныне: Радость Благовещения иногда Гавриил Тебе, Чистая Деву, принесет, и праматернее сетование разрушися Рождеством Твоим: темже Сама и моея души уныние очистивши, покажи мя молитвами Твоими непосрамлена.

Песнь 9

Ирмос: Камень нерукоусечный от несекомья горы Тебе, Дево, краеугольный отсечеса, Христос, совокупивый разстоящаяся естества: тем веселящеса, Тя, Богородице величаем.

Яви, Богородице Дево, Твою помощь вскоре: приклони же усердно ухо Твое и вопиющих тепле услыши и лютых измени, избавляючи нас молитвами Твоими.

Весь ленитию одержимь и во отчаянии есмь глубины моих прегрешений: темже ми, Дево Мати, руку простри, яко Петру Христос, и из глубины прегрешений избави мя.

Слава: Язык необуздан и велеречив укроти, Дево, изощренный, яко стрела, устрелити хотящ и уморити мя, яко воск разлей, и совет его суетен сотвори.

И ныне: Разруши советы вся, яже на ны вооруженных, Мати Бога Вышняго, радости же исполни уповающих на Тя: да усердно вси Твое проповемы заступление.

В ПОНЕДЕЛЬНИК Канон Пресвятей Богородице

Песнь 1

Ирмос: Моря черную пучину невлажными стопами древний пешествовав Израиль, крестообразными Моисеевыми руками, Амаликову силу в пустыни победил есть.

Припев: Пресвятая Богородице, спаси нас.

Яже Единая в напастех и скорбех защищающая под кров Твой, Пречистая, прибегающих тепле, прими, яко Преплагая, яже от сердца нашего моления.

Пристанище невлаемое обретох Тя, окаянный, напастныя же и нуждныя прилоги отревая, благодарное пою Ти воспевание, Богомужная Богородительнице.

Слава: Милостивным и кратким Твоим оком, Богородительнице, зрящи мя, во обстоянии и скорби одержима, вскоре свободи: Тя бо призываю на помощь.

И ныне: Ева осуждения избавися и Адам Тобою, Чистая, с нимиже и аз припадаю Ти: печальныя ми слезы ныне на радость преложи и от напастей свободи.

Песнь 2

Ирмос: Лук сильных изнеможе, и немощствующии препоясашася силою: сего ради утвердися в Господе сердце мое.

Оружие крепко и стену Тя стяжав аз, побеждаю сопротивных полки и пою величия Твоя, Богородице неискусобрачная.

Пещь разоряеши печалей и погашаеши отчаяния зной: кто бо тако, якоже Ты, Дево Богородице, упование наше?

Слава: Внуши вопль раба Твоего, Твоея требующаго помощи, Богомати: упование мое, услыши мя и потщися спасти мя.

И ныне: Призри, Чистая, спасти мя: ибо Божественным манием вся содержащего воплотила еси, Божие Слово, паче слова и смысла.

Песнь 4

Ирмос: Вознесена Ты видевши Церковь на Кресте, Солнце праведное, ста в чине своем, достойно зываючи: слава силе Твоей, Господи.

Победвши враждующих мне все, яко душу мою тщящихся люте прияти, сохрани мя, Владычице, ненаветна, да радуяся славлю Тя.

Избавляючи мя от языка лстивоглаголиваго, яко Благая представительница, безпакостна покажи от житейских деяний: много бо можеш, яко Мати Зиждителя сущи.

Слава: Безболѣзненну вѣдый Тя целѣбницу, немощный, дѹхом и усты зову: исцели мя, Владычице, помилуй и спаси мя, к Тебѣ бо прибегаю, раб Твой.

И ныне: Яко похвалу ангелов и человеков, Тя воспеваем вси, Дѣво Маріе, и вѣрно молимся: молися, Владычице, от всякия скорби избавится нам.

Песнь 3

Ирмос: Ты Господи мой, свет, в мир пришел еси, Свет святыи, обращаи из мрачна невѣдения вѣрою воспевающия Тя.

Исправи Чистая, молитву раба Твоего ко Господу, Сыну Твоему: да обрящу разрешеніе многих прегрешеній.

Избави мя страстей и бед, Богоневѣсто: Тя бо положи Бог к Немѹ ходатаицу о моем смиреніи.

Слава: Покровительница мне Ты еси и непрестанное хваленіе, о Владычице Богородице, не презриши бо никакоже одержимаго в печалех.

И ныне: Ныне испроси нам прегрешеній оставленіе и избави от напастей и страстей нечистых, молитвами Твоими, Препѣтая.

Песнь 6

Ирмос: Пожру Ти со гласом хваления, Господи, Церковь вопиет Ти, от бесовския крове очищися, ради милости от ребр Твоих истекшею кровию.

Крепость моя Самá еси, Пречистая Владычице, во обрѣтших мя зело неначаянных скорбех, и вопию Ти: яко велия еси Помощница рабу Твоему.

Исцели душевныя моя язвы, Владычице, заступи мя, Дѣво, и избави раба Твоего от оклеветания, навета же и развращения неправедна.

Слава: Сокруши наветники неправедныя, иже на мя, присно прибегающего к Тебѣ, Чистая, и не остави мене погибнути, яко вся Тебѣ возможна, Богоотроковице.

И ныне: Успи души моея свирепую волну, яко множество прегрешеній, искушения и печали восташа на мя: но Самá мя, Владычице, спаси.

Таже: Господи помилуй, *трижды.* Слава, и ныне

Седален, глас 4:

В кров Твой, Дѣво, вси прибегающе, вопиѣм Ти: мольбу приими от нас и не престай молящися Человеколюбцу спастися рабом Твоим.

Песнь 7

Ирмос: Спаси во огни авраамския Твоя отроки, и халдеи убив, иже правда праведно уловляше, препѣтый Господи Бже отец наших, благословен еси.

Еже от агарян насилуование скоро потрѣбльши мечѣм молитв Твоих, Маріе, люди и стадо Твое сохрани, Сыну Твоему зовущее: Бже отец наших, благословен еси.

Равнолепная Скинии, приими мя, к Тебѣ прибегающаго, да не приимет мя враг, погубити изгоняя, поюща Сыну Твоему, Богомати: отец наших Бже, благословен еси.

Слава: Богородительнице Маріе, предвари раба Твоего вскоре, в треволненіих напастей потопляемаго, и не имуща помощи. К Тебѣ бо зову: упование мое, Богородице, помилуй мя.

И ныне: Человѣческия напасти, яко грехом виновны, ныне, Богородице Благая, разори Божественными молитвами Твоими, и рабы Твоя избави болѣзненных прегрешеній и всякия напасти.

Песнь 8

Ирмос: Избавителю всех всесильне, посреде пламене благочествовавшия, низшед, оросил еси и научил еси пети: вся дела, благословите, пойте Господа.

Воста на ны язык беззаконен, хваляся погубити служители Твоя, егоже потребльши, Пречистая, зовущия покрый: вся дела, благословите, Господня, Господа.

Многая Твоя щедроты, Единая Богомати, нас милостивно спасают от греховнаго суда и различных напастей: Ты бо рождши Бога, и милуеши мир Его.

Слава: На моление мое ныне умиосердися, и радость ми в печали место даруй, да пою Тя, Владычице, и вопию Сыну Твоему: вся дела, благословите, Господня, Господа.

И ныне: Яко Ты мне еси крепость и помощница, не боюсь врагов негодования, но воспеваю тя, Владычице, и вопию Сыну Твоему: вся дела, благословите, Господня, Господа.

Песнь 9

Ирмос: Ева убо недугом преслушания клятву вселила есть: Ты же, Дево Богородице, прозябением чревоношения миру благословение процвела еси, тем Тя вси величаем.

Оружие убо на ны обострив, совещаает лстивый арвлянин беззаконный: Ты же, Дево Богородице, силою Креста Сына Твоего и молитв Твоих, вооружаеши на него рабы Твоя: темже проповедаем славу Твою.

Крепость убо Ты мне на враги дадеса, и избавление в напастех: что же Ти аз принесу, Чистая? Не довед. Обаче, еже имам, благодарение приношу Ти, Владычице: прими сие от раба Твоего и спаси мя.

Слава: О Мати всяческих Творца! О Всечистая, скорбящих утехо, потопляемых предстательнице и побеждаемых заступнице, до живота моего Ты мя сохрани.

И ныне: Утесняем грехи многими, Препетая, и напастями лютыми, ныне Тебе хваления жертву приношу и прилежно взываю Ти: Святая Богородице, помози ми, Тебе бо слава, песнь скончаваю.

ВО ВТОРНИК

Канон Пресвятей Богородице

Песнь 1

Ирмос: Отверзу уста моя, и наполнятся Духа, и Слово отрыгну Царице Матери, и явлюся светло торжествуя, и воспою радуясь Тоя чудеса.

Припев: Пресвятая Богородице, спаси нас.

Неизмерную Божию мудрость и силу рождши Пренепорочная, Христа без семене плотию, державу крепости и Божественное величие стяжала еси Рождеством Твоим, Богородительнице.

О паче ума Рождества Твоего, Пречистая, имже обогатися земных множеством нетлением, и Ты ныне блажит достойно, Ходатаицу обновления.

Слава: Болящаго исцели душею и телом, Дево, раба Твоего осенением Твоим: Ты бо Предстательницу всем сущим в печали познах, яко рождшую Спасение наше.

И ныне: Люте погружаемому в пучине скорбей и бурею безмерных обстоятельств, спасения простерши ми руку, изведи, Владычице, из глубины зол.

Песнь 3

Ирмос: Твоя песнословцы, Богородице, живый и независтный источник, лик себе

совокупляши духовно утверди в Божественной Твоей славе, венцев славы сподоби.

Кропиши исцелений струи болящим Дево, всюду: Ты бо источника покажи милосердия, Владычице, Иже милости Господь, из Тебе родишься паче ума.

Красен чертог Божественному Слову и Божественный Невестник выше естества, Дево Мати, была еси: темже милости Твоих щедрот отвори ми, ко спасению возводящи.

Слава: Умертвися вся крепость моя от множества безмерных зол: многими убо скорбями отчаяхся. Помози ми, Госпоже, Яже Жизнь рождающая и плачущим Утешение.

И ныне: Помилуй, Единая Богомати, помилуй и ущедри душу мою окаянную, потопляемую бесы лукавыми и страстями, и прежде времени смерти моей сию очисти умилосердися.

Песнь 4

Ирмос: Незследный Божий совет, еже от Девы воплощения Тебе Вышняго, пророк Аввакум усмотря, зовяше: слава силе Твоей, Господи.

Корене и чресл Ты Царских, всех Царь яко сущу вожделев, вышшу херувим и серафим содела, весь, Богородице, вселься в Тя.

Человеческого ради порождения Содетель воплощаемь, из Тебе родися и Предстательницу неложну христианом Ты покажи: темже к Твоему крову прибегаю, Чистая.

Слава: Кров и заступление, и прибежище буди ми, Дево, рабу Твоему, и исцели мя от безмерных зол, воспевати Тя, Пречистая: слава неизреченному Рождеству Твоему.

И ныне: Недоумеюся, и слезю, и стеною от страстных моих помышлений, и Тя молю: яко еси источник милости, от болезней моих избави мя, ведущи к Божественному умилению.

Песнь 5

Ирмос: Ужасошася всяческая о Божественной славе Твоей: Ты бо, неискусобрачная Дево, имела еси во утробе над всеми Бога, и родила еси безлетнаго Сына, всем воспевающим Тя мир подавающая.

Исцелений воды точиши присно, Дево, всем болящим, яко облак одушевлен сый Царя Христа. Темже молю Тя прилежно: росу исцеления мне болящему низпосли.

Не престаи молящи, Егже родила еси, Богоневесто Дево, яко Спаса и Владыку, разрешение ми даждь скорбей и болезней, и к радости нетленной мя возведи, прощая ми прегрешения.

Слава: Упование ми еси, Пречистая, и спасению похвала. Темже прибегаю к Твоему крову: не гнушайся мене, грехи многими и болезнями скорбными ныне поглощенного, но предвари и спаси мя.

И ныне: Грозд зрелый, како на Древе висиши? Солнце славы, како воздвиглся еси, свет солнца помрачивый в страсти Твоей? Спасе, рождающая Тя Агница древле вопиаше Ти, матерски восклицаящи.

Песнь 6

Ирмос: Приидох во глубины морския, и потопила мя есть буря многих грехов: но яко Бог из глубины возведи живот мой, Многомилостиве.

Зрак восприят рабий от Тебе, Дево, всех Царь и Бог наш и вышшу Ты яко Богородицу покажи херувим и страшных серафим.

Яже Единая рождши Божию Жизнь, и всем спасение дающего, отчаянна мя суща спасению сподоби и страстей моих востание пресецы.

Слава: Твою подаждь помощь и избави мя бед и скорбей, избавляючи мя напастей и прегрешений моих, Яже всех рождшая Избавление.

И ныне: О Тебе Дево, хвалимся, и Тобою лютых избавляемся: надеющиеся на Тя, нахождения не боимся злочестивых варвар, воспевающих Тя.

Таже: Господи помилуй, *трижды.* Слава, и ныне

Седален, глас 4:

Дево Пренепорочная Мати Христа Бога, оружие пройде Твою Пресвятую душу, егда распинаема видела еси волею Сына и Бога Твоего: Егоже, Преплагословенная, молящи не престай прощение прегрешений нам даровати.

Песнь 7

Ирмос: Не послужиша твари богомудрии паче Создавшего, но огненное прещение мужески поправше, радовахуся, поюще: препетый отец Господь и Бог, благословен еси.

Изше, яко скудель, страстми вся крепость моя, и се аду приближися: от уз всепагубных предвари, Мати Божия, и исхити от одержавших печалей рукою милости Твоея.

Растрезаеме утробе моей от злб многообразных, и еже жити растерзаюся множеством прегрешений и болезней моих: но избави мя от обоих, Пречистая, Жизнь нам рождшая.

Слава: Царства Христова всецедраго, Дево Пречистая, отверсти ми яко Благая сподоби, и болезней душевных и находений избавити, Твоими молитвами, Благословенная.

И ныне: Обощены болезни ранам моим от безмерных моих прегрешений, ведут в смерть душевную и телесную: но исхити мя, Владычице, яко сильна, от всяких скорбей и недугов.

Песнь 8

Ирмос: Отроки благочестивыя в пещи Рождество Богородичо спасло есть: тогда убо образуемое, ныне же действуемое, вселенную всю воздвизает пети Тебе: Господа пойте дела и превозносите Его во вся веки.

Вещь страстей терноносных стяжах, и жалом сих прободаемь есмь: темже отчаяхся, узами подавляемь есмь и напастми, Пречистая Мати Христа Бога, от нихже мя избавляючи, подаждь всех прегрешений прощение Твоими молитвами.

Свещнице Света трисолнечнаго сущи, зарею благоутробия Твоего тьму отыми прегрешений моих, Богородительнице, избавление нуждных болезней подаючи, верою поощему и превозносящему Пречистое Твое Рождество.

Слава: Весь вселься во чрево Твое, неизглаголанно воплотися пресущный Бог Приснодево, миру заступницу Тя и общую помощь соделав: темже молю Тя избавитися лютых страстей моих и уз прегрешений.

И ныне: В час, Дево, кончины моея, руки бесовския и осуждения, и ответа и страшнаго испытания, и мытарств горьких, и князя лютаго, и огня вечнаго исхити мя, Богомати.

Песнь 9

Ирмос: Всяк земнородный да възграется, Духом просвещаемь, да торжествует же безплотных умов естество, почитающее священное торжество Богоматере, и да вопиет: радуйся, Всеблаженная Богородице, Чистая Приснодево.

Род земный вознесся Рождеством Твоим, сыноположение взем Божественным

совокуплением: и сликуёт Небесное множество со земными, поюще Тя достождно, Чистая, яко Матерь сущу Бѳга нашего, и миру всему прибежище.

Весь быв отнюд стягнут грехи моими, от безмерных ран и болезней, Твою помощь призываю, Владычице, и заступление, еже подаждь, всех избавляющи мя лютых бед и скорбей.

Слава: Пение с песнею и хваление сплетения ныне от болезненна души приношаю с любовью Тебе, рождающей естеством Христа Бѳга, Егѳже благопробытна приими и прошения моя, Богородице, вся исполни, молитвами Твоими соблюди.

И ныне: Просвети, Чистая Богородительнице, души моя очи, да не постигнет мене греховная тма тяжкая, ниже глубина покрывает мя отчаяния: но Сама мя спаси и окорми, Предстательнице верных непостыдная.

В СРЕДУ Канон Пресвятей Богородице

Песнь 1

Ирмос: Моря чермную пучину невлажными стопами древний пешешествовав Израиль, крестообразными Моисеевыми руками, Амаликову силу в пустыни победил есть.

Припев: Пресвятая Богородице, спаси нас.

Воистинну и вресноту¹ родила еси Бѳга и Господа, и Богородица Единая воистинну и вресноту нарекла еси, Чистая. Темже Тя верно воспеваем и по долгу славим.

Звезда, Яже от Иакова, возсия из Тебе, Пречистая, изчитая множество звезд, яко Бог. Темже Того сияньми отыми моих грехов тму.

Слава: Невестник словесен вем Тя яве Бѳжия воплощения, Чистая и Всенепорочная: молю Тя избавити мя страстей плотских и скорбей, и искушений, и обстояний.

И ныне: Яко Лествица, Яже к нам пришествия Вседержителя, Еюже Бог сниде на землю, от земных страстей плотских к Небеси вознеси мя и к Бѳгу приведи.

Песнь 3

Ирмос: Не мудростию и силою и богатством хвалимся, но Тобою, Отчею ипостасною мудростию, Христе: несть бо Свят, паче Тебе, Человеколюбче.

Текущий источник, скорбящих утешение еси: темже, Владычице, и мне молитвенных Твоих вод источник источи и угаси страстей пещь.

Уязвена моя помысли безместными исцели, Чистая, Яже естества нашего исцелившая язву лютую, рождаши Зиждителя и Господа.

Слава: В пучине многих моих прегрешений и страстей и искушений обуреваема, к тихому зело пристанищу, Всенепорочная, устреми Твоим заступлением.

И ныне: Иже яко на руно дождем Божественным, во утробу Твою сошедшим, опламененное огнем страстей мое сердце ороси Твоими мольбами.

Песнь 4

Ирмос: Вознесена Ты видевши Церковь на Кресте, Солнце праведное, ста в чине своем, достойно зываючи: слава силе Твоей, Господи.

От мир Сына Твоего текущих, благоуханием жизни всех, миро безстрастия источи души моей, Чистая, и весь кал страсти ея потреби.

Оскверненного мя калом греха, моли Твоих окропи иссопом и омьй, и скверну страстей моих очисти, Владычице, и яви Христу жилище.

¹ Истинно.

Слава: Написану Тя книгу перстом Божественным, запечатану, Пречистая молю, персты Твоих молитв напиши мне прегрешений оставление и напастей избави.

И ныне: Иже от конец гор святых всех храм Богу бывши, якоже прежде пророк рече, Христу чист покажи мя храм, Владычице, Твоими заступленьми.

Песнь 5

Ирмос: Ты Господи мой, свет, в мир пришел еси, Свет святыи, обращаи из мрачна невѣдения верою воспевающия Тя.

Тя росу Аермонску, на Сион сошедшую, ведый, Богородительнице, молю угасити плоти моея запаление.

Рай жизни сущи, Богородице, смерти греховныя и страстей многообразных избави мя вскоре.

Слава: Алавастр мысленный, Чистая, Ты еси Мира, изливагося на землю с Небес: мене ныне благоухания исполни.

И ныне: Преклоншагося ко тлению обновила еси человека: изведи убо и мене ныне, Богоневесто, из глубины прегрешений и страстей.

Песнь 6

Ирмос: Пожру Ти со гласом хваления, Господи, Церковь вопиет Ти, от бесовския крове очищися, ради милости от ребр Твоих истекшею кровию.

Палата прекрасна, славная Владычице, Царя Славы бывши, прославила еси человеки: темже славы нетленные и мене сподоби.

Утишила еси тлю порочную естества чистым нетлением, но изсуши, Пречистая, страстей моих потоки, и плотския мудрости реки.

Слава: Успи страстная движения телесе и възграна моя плотская уму повини, яко жребя, успивши, Чистая, сном Твоих молитв.

И ныне: Пою Тя, Бога Препетаго рождшую, и молю Тя, Отроковице: страшныя мя при и вечнаго, Богородице, осуждения избави и спаси мя.

Таже: Господи помилуй, *трижды.* Слава, и ныне

Седален, глас 4:

Предстательнице нератная, Богородительнице, и молитвеннице готовая притекающим к Тебе, от бед мя избави: да не презриши мене, всех заступнице.

Песнь 7

Ирмос: В пещи Авраамстии отроцы персидстей, любовию благочестия паче, нежели пламенем опаляеми, взываху: благословен еси в храме славы Твоея, Господи.

Яко огненосна и Богоприемна сущи купина, Чистая, попали помышлений терние лукавых, души моея озари мысль и страстей бездну изсуши.

Величестие от века и Божественную славу Ты Единая яже обрела еси на земли, Небо явльшися второе: Ты убо упраздни велеречивыя враги моя бесы.

Слава: Божественный окрине¹ милосердия и благодати, источи ми обильно богатство Твоих щедрот и, скверну прегрешений моих омываящи, плотское угаси разжжение.

И ныне: Данное ми от Бога богатство духовное прежде, жив блудно всегда, сластми изждих телесными: но яко блуднаго, Твоими молитвами, Дево, оправди.

¹ Сосуд.

Песнь 8

Ирмос: Руце распростёр Даниил, львов зияния в рове затче: огненную же силу угасиша, добродетелию препоясавшися благочестия рачители отроцы, взывающе: благословите, вся дела Господня, Господа.

Расторгни прегрешений моих пленицу, и телесная стремления утиши, лукавствия же умышлений посецы, и очисти от тайных помышлений скоро раба Твоего, Богородице, всех Предстательнице верных и заступление.

Гора Божия явлена, и несекома, и тучна, Пречистая, часта и осененная, покрый мя сению Твоих молитв и от сети ловец избави, и сохрани от стрел бесовских и скверных помышлений.

Слава: Страх Божественный прияти ми, Владычице, и дух умиления во утробе моей, и родити житие добродетельно, и страшна лукавым бесом, Пречистая, сотвори, и Божественная славы ангельских лик собеседника.

И ныне: Отверзи ми двери жизненные вскоре, врата упования моего, и настави, Пречистая, к жизни некончаемой, и Царствия Небеснаго покажи мя, раба Твоего, наследника и Божественная славы святых сопричастника.

Песнь 9

Ирмос: Ева убо недугом преслушания клятву вселила есть: Ты же, Дево Богородице, прозябением чревоношения миру благословение процвела еси, тем Тя вси величаем.

Возри молитвами Твоими, Чистая, на раба Твоего, и вскоре предвари, и оскорбляющих и озобляющих враг невидимых избави мя: спаси от бед и скорбей, и многообразных обстояний.

Всего мя язвами греховными суща уязвлена и осуждена, исцели, Дево, и избави лукавых помышлений, Яже Слово Всесильное рождающая, Благого же и Человеколюбца.

Слава: Падшаго ради прежде Адама в смерть, смерти причастися, Иже животом и смертию обладая Твой Сын, Преплагая: темже мя страстей и падения Твоими мольбами воздвигни.

И ныне: Спаси, Богородице, к Тебе прибегающих от бед и падежа, греха и бури, и телесных страстей, и волнения, и жития нуждных печалей, и злобы лукавствия.

В ЧЕТВЕРТОК

Канон Пресвятей Богородице

Песнь 1

Ирмос: Отверзу уста моя, и наполнятся Духа, и Слово отрыгну Царице Матери, и явлюся светло торжествуя, и воспою, радуясь, Тоя чудеса.

Припев: Пресвятая Богородице, спаси нас.

Ты Единая заступление, прибежище и хранительница рабов Твоих еси, Богородительнице Чистая. Сего ради припадаю Ти и зову: спаси мя, окаяннаго, яко милостива.

Деяния скверная совесть мою ранят, пред лицом носящую сих обличение: ускори, Владычице, и помощь буди ми, и прежде кончины избави, и спаси мя.

Слава: Освяти, Владычице, оскверненное сердце мое, Яже Пресвятое Слово рождающая, и сущая всех святейшая вышних сил, Единая Всепетая.

И ныне: На Тя надежду моего спасения возложих, и к Тебе, благоутробней, верою прибегах: не презри мене, надежду ненадежных, ниже яви мя обрадование бесом.

Песнь 3

Ирмос: Твоѣ песнословцы, Богородице, живый и независтный источник, лик себе совокупльшия духовно утверди в Божественной Твоей славе, венцев славы сподоби.

Росу Твоего благоутробия подаждь ми, Пренепорочная Чистая, греховным знобем тающему, и печаль Самая устужающи ми и радость Божественную подающи.

Ума моего тьму разруши, Богородице, светом, иже в Тебе, яко Благая: и молюся, покаяния мя образы утвердити, яко щедра и многомилостива, да спасаемь ублажаю Тя.

Слава: Кроплением милости Твоея, Дево Богорадованная, углие погаси моих страстей, и угасший светильник сердца моего возжзи, златый свещник, Всенепорочная.

И ныне: Потопляет мя волна греховная и буря безместных помышлений: но умилосердися, Всенепорочная, и руку ми помощи, яко милостива, простри, да спасаемь ублажаю Тя.

Песнь 4

Ирмос: Неизследный Божий совет, еже от Девы воплощения Тебе Вышняго, пророк Аввакум усмотряя, зовяше: слава силе Твоей, Господи.

Яже Всепречудная Мати Божия, возсий ми покаяния зарь, и разреши мрак окайных моей души, и отжени, Дево, лукавая помышления сердца моего.

Тя очистилище всех человеков верою молю, Благословенная, и прошу: милостива ми Судию Сына Твоего сотвори, яко да хвалами прославляю Тя.

Слава: Смиренное, Единая Чистая, и прокаженное сердце мое нечистыми страстей наведении, яко врач исцели и от руки бесовския исхити.

И ныне: Глаголом Богодохновенным прежде блаженный Аввакум, гору Тя Чистую и присенную нарече, Пришедшаго от юга и Тобою воплощаема, Владычице, возвещая явленнейше.

Песнь 5

Ирмос: Ужасошася всяческая о Божественной славе Твоей! Ты бо, неискусобрачная Дево, имела еси во утробе над всеми Бога и родила еси безлетнаго Сына, всем воспевающим Тя мир подавающая.

Умерщвлен страстми и помышлении, Всенепорочная, к щедротам Твоим прибегаю, и к теплomu Твоему притекаю, Владычице, покрову и помощи: Яже Жизнь Единая рождающая, сердце мое оживи.

Оружием снедена мя греховным, исцели действеною Твоею лечбою, Яже Спаса рождающая Господа, копием уязвленнаго мене ради, Пречистая, и уязвившаго сердце змиево.

Слава: Ума моего уврачуи сокрушения, Пренепорочная, и исцели страсти души моея, и уныния тьму потреби, яко да во хвалении Тя пою, Присноблаженную, Богородице Всепетая.

И ныне: Грозд винограда, Егоже возрасти, Дево, на Древе висяща видевши, вопияше: Чадо, мсто¹ искапаеши, пьянство отпущая врагом, всеу распеншим Тя, во всем долготерпеливаго.

Песнь 6

Ирмос: Божественное сие и всечестное совершающе празднество, богомудрии, Богоматере, приидите, руками восплещим, от Нея рождающегося Бога славим.

¹ Сладкое вино.

Яже Едина всем помощь, помози нам бедствующим и руку подаждь, и к пристанищу направи спасительному, Едина Богоблагодатная.

Истязания мя, Пречистая, в час страшный Ты исхити, от бесов злыя прелести, и суда, и огня, и тьмы, и муки.

Слава: Песнословлю Тя, Всепетая, славлю честная величия Твоя: Ты же нечистых мя страстей свободи и вечныя славы сподоби.

И ныне: Пети Тя должны есмь, но воистинну по достоянию не можем: темже поем Тя, молчанием чтуще несказанное, еже на Тебе, Дево, содеянное Таинство.

Таже: Господи помилуй, трижды. Слава, и ныне

Седален, глас 4:

На Кресте Ты возвышена, яко узре Пречистая Мати Твоя, Слове Божий, матерски рыдаючи, вещаше: что новое и странное сие чудо, Сыне Мой? Како, Жизнь всех, вкушаеши смерти, оживити мертвыя хотя, яко Милосерд?

Песнь 7

Ирмос: Не послужиша твари богомудрии паче Создавшего, но огненное прещение мужески поправше, радовахуся, поюще: препетый отец Господь и Бог, благословен еси.

Непременного рождши, Едина Богоблагодатная, молися, Чистая, десницею Его переменити мой ум к лучшим, люте переменный бесовскими искушениями.

Царице Дево, рождающая Царя Христа, ущедри и спаси мя, страстными преклоненного: верую утверди, и настави мя ко спасения стези, верных спасение.

Слава: Молитвенница ми буди, Пренепорочная, к Рождшемуся из Тебе: и оставление лютых долгов подаждь ми, и Царствия Божия Божественный вход, и пищи восприятия, и света причастие.

И ныне: Всенепорочная Марие, Дево неискусобрачная Чистая, безмерная благодатию, Яже Бога плотию рождающая, Того моли всякия нас избавити печали и греху.

Песнь 8

Ирмос: Отроки благочестивыя в пещи Рождество Богородичо спасло есть: тогда убо образуемое, ныне же действующее, вселенную всю воздвизает пети Тебе: Господа пойте дела и превозносите Его во вся веки.

Блудно житие иждив и всяку скверну соделав, трепещу судища, трепещу истязания, трепещу и ответа осуждения моего: помилуй душу мою окаянную, Чистая, и прежде смерти просвещение ми подаждь.

На Тя всю надежду спасения моего возложих, Богомати неискусобрачная, и Тебе на помощь призываю всегда: спаси мя от печалей и напастей вражиих, и разреши пленницы зол моих и от вечныя тьмы исхити мя.

Слава: Явилася еси ангел вышши, Бога неизреченно воплотивши: Сего убо моли, Владычице Всенепорочная, плотских искушений вышшу быти ми и суда будущего избавитися, Дево, и вечныя муки.

И ныне: Вод Божественных исполни мя Дево, Яже Источник во чреве носившая: избави от гноя грехов моих и к жизни настави спасения, Чистая, и уныния души моея окаянныя отжени, Дево, и от бесов избави.

Песнь 9

Ирмос: Всяк земнородный да възграется, Духом просвещаемь, да торжествует же безплотных умов естество, почитающее священное торжество Богоматере, и да вопиет: радуйся, Всеблаженная Богородице, Чистая Приснодево.

Разруши́ па́жить греха́, осквернённая моя́ души́ и телесе́, Богора́дованная Пречи́стая Влады́чице, си́льною моли́твою Твоею́, о Всенепоро́чная, исцелёние да́вши спаси́тельное, Влады́чнии́ страх пречи́стый.

Ты мне просвещёние, Ты ми избавленье и ра́дование, Ты побóрница моя́, Ты моя́ сла́ва и похва́ла, и наде́жда, и спасёние моё еси́, Пренепоро́чная, и Тебе́ ве́рно поклоня́юся и вопи́ю Ти: спаси́ мя, ока́яннаго раба́ Твоего́, и от а́довых врат исхити́ мя.

Слава: Спаси́ мя Чи́стая, Спа́са ро́ждшая всеще́драго, и уще́дри раба́ Твоего́, и к пока́нния пу́ти наста́ви, лука́ваго собла́зны от сре́ды отжени́, и того́ ловле́ния изба́ви мя, и огня́ ве́чнаго, Пренепоро́чная, исхити́ мя.

И ныне: Пло́тию, е́же из Тебе́, Сло́во, Пренепоро́чная, оде́ваясь, воплоти́вся же поживе́ в ми́ре, я́ко милосе́рд, пребы́в не ху́дши, Иже пре́жде безплóтный: и и́же дре́вле всех му́чившаго, Божество́нную си́лою низложи́.

В ПЯТОК Канон Пресвятей Богородице

Песнь 1

Ирмос: Триста́ты кре́пкия, Рождейся от Де́вы, безстра́стия во глубине́ души́ трича́стное пото́пи, молю́ся, да Тебе́, я́ко в тимпа́не, во умерщвлении́ телесе́ победное́ воспою́ пение́.

Припев: Пресвята́я Богородице, спаси́ нас.

От ка́ла страсте́й, от помышле́ний трево́лнения и от стрел лука́ваго, и от вся́каго прило́га сопроти́внаго спаси́ ду́шу мою́ ока́янную, Пречи́стая Богороди́тельнице, и огня́ ве́чнаго исхити́ мя.

Возведи́ мя, Чи́стая, из глубины́ прегреше́ний, и наста́ви к све́ту Божество́нных за́поведей Спа́са Христа́ и Бо́га: возсия́й ми пока́нния спаси́тельную за́рю и пода́ждь жизнь ве́чную.

Слава: В ти́ну лука́вую впа́дся зол мои́х, удавля́юся вельми́ делесе́ лука́выми, и несть постоя́ния: Влады́чице Де́во Ма́ти, Твоею́ си́лою возведи́ мя, и огня́ и му́ки изба́ви мя.

И ныне: Смерть и тлю́ потреби́ла еси́, Богороди́це Всепе́тая, нетле́ния Исто́чник ро́ждши Христа́, беземе́ртием украси́вша и благода́тию челове́ческое естество́, Пренепоро́чная.

Песнь 3

Ирмос: Не му́дростию и си́лою и бога́тством хва́лимся, но Тобо́ю, Отчею́ ипоста́сною му́дростию, Христе́: несть бо свят, па́че Тебе́, Человеколю́бче.

Явльши́ся, Чи́стая Де́во, души́ моя́ тьму́ отыми́, и грехо́вныя плени́цы расто́ргни, и спаси́ мя, молю́ся, заступле́нием Твои́м.

Колéблющее́ся прило́ги стра́стными се́рдце моё́ в страх Бо́жий чи́стейший утверди́, Де́во Пренепоро́чная, благоутро́бием Твои́м.

Слава: Отча́явся по́мощи вся́кия, к Тебе́, Пренепоро́чная, держа́вней храни́тельнице и покрову́ притеко́х: не отрини́ у́бо мене́ от Божество́ннаго покро́ва Твоего́.

И ныне: Испещре́на ря́снами златы́ми я́ко Цари́ца, Царя́ и Бо́га одесну́ю ны́не предстои́ши, Влады́чице, моля́щи о рабе́х Твои́х.

Песнь 4

Ирмос: Седя́й в сла́ве на престо́ле Божества́, во о́блаце лёгце́ прииде́ Иису́с Пребоже́ственный, нетле́нною дла́нию, и спасе́ зову́щия: сла́ва, Христе́, си́ле Твое́й.

Уныніем одержіма мя и страстѣй омрачѣніем всего потемнѣна, и грехом порабощѣна, Богоблаженная Отроковице, свободи, и присвои Твоему Сыну и Богу нашему.

Умерщвлѣна мя злобою лстываго, Пренепорочная, яко Жизнь рождающая, оживи, к Тебе бо прибегах: и погруженна во глубине падежей возведи, яко милостива, Всенепорочная.

Слава: Во гробе безмерных сластей моих низлежу, уныніем и лѣностию одержимъ есмь: но рождающая всех Возставление, оживи мя, Благая, и спаси.

И ныне: Священную Тя древле пророк гору Божественную нарече, Дево Чистая, добродетельми всю осенену, из Неяже спасительное Слово явися, в создание и просвещение душ наших.

Песнь 5

Ирмос: Нечестивии не узрят славы Твоея, Христе, но мы Тя, Единородне, Отеческия славы Сияние Божества, от ноши утренююще, воспеваем Тя, Человеколюбче.

Да возвеселится, Владычице, душа моя смиренная: бояться Твоего Сына и творити повеления Его от сердца, Всенепорочная Пречистая, молитвами Твоими настави.

Всем сердцем моим, Владычице Благая, исповедатися Избавителю сподоби душу мою страстную, отгоняши неведение сердца моего, Всенепорочная.

Слава: Душу мою сохрани, яко зеницу ока, под кровом крилу Твоею, Благая Пречистая, и духов от лукавых томления и мучения избави.

И ныне: Избавляющи, явися, Пречистая, от страстей наведения и бесов лукавых Твоего раба, стяжавшаго Тя державное заступление и предстательницу непостыдную.

Песнь 6

Ирмос: Возопи, прообразуя погребение тридневное, пророк Иона, в ките моляся: от тли избави мя, Иисусе, Царю Сил.

Низложи иже присно борющия мя, Владычице, и облак лукавых помышлений разори, Солнца Праведнаго сущи Дверь, Богомати.

Восий ми покаяния зарю, Владычице, и облаки злых помышлений моих разруши, лютыми прельщения привлекома же и растлеваема.

Слава: Утоли страстей моих свирепую волну и бурю злых помышлений потреби, твердая всех предстательнице и покрове, Пренепорочная.

И ныне: Умножишася паче песка морскаго прегрешения души моея, и яко бремя тяжкое низлагает мя: но Ты, Дево, прежде конца ущедривши, спаси мя.

Таже: Господи помилуй, *трижды.* Слава, и ныне

Седален, глас 4:

Теплое заступление, еже в бедах, и помощницу нашу, и к Богу пременение, Еюже тли избавихомся, Богородицу, вернии, ублажаем.

Песнь 7

Ирмос: Авраамстии иногда в Вавилоне отроцы, пещный пламень попраша, песнями зывающе: отец наших Боже благословен еси.

Тя Богородице Чистая, призываю верно: смиренное мое соблюди сердце, и избави мя пламене мучения, и тьмы вечныя.

Раздери Дево Чистая, Сына Твоего копием моих прегрешений рукописание, и

избáви мя молю́ся, одержáния всякаго, в час кончи́ны моея́.

Слава: Угаси́, Де́во Чи́стая, мо́их слез струя́ми, и Твои́х щедро́т одождéнием пещь, ю́же ми исходáтай зол мо́их мно́жество, бесо́вским де́йством.

И ны́не: Избáви нас искуше́ний находя́щих, Еди́на Сло́ва Ма́ти Присноде́во, и всякаго муче́ния, вои́стинну Тя разуме́но пою́щих во вся ве́ки.

Песнь 8

Ирмос: Избáвителью всех Всеси́льне, посреде́ пла́мене благоче́ствовавшия, снизше́д, ороси́л еси́ и научи́л еси́ пети́: вся дела́, благослови́те, по́йте Го́спода.

Ду́шу мою́ боля́щую исцели́ и ум омраче́нный просвети́, и огня́ исхити́, и ве́чных неизглаго́ланных мук, Богоро́дице Де́во Богоневéсто.

Пре́кло́нься безсло́весными страстьми́, во глубинú по́гибели снидо́х и пла́мену сожже́ние сам ся соде́лах, от ни́хже мя избáви, Богоро́дице Де́во, раба́ Твоего́.

Слава: Зол мо́их пучи́ну изсуши́, милосе́рдия ро́ждши пучину́ Избáвителя и Го́спода, и плени́цы зол мо́их разреши́ пре́жде кончи́ны, Я́же Спа́са всех ро́ждшая.

И ны́не: Вопло́щься от утробы́ Твоея́ Госпо́дь, госпо́дствуяй тва́рию, и Тебе́, Де́во, Госпожу́ показа́, ви́димым же всем и неви́димым, я́ко Ма́терь прославля́я непоро́чную.

Песнь 9

Ирмос: Ева́ убо недúтом преслу́шания кля́тву всели́ла ест: Ты же, Де́во Богоро́дице, прозябе́нием чревоноше́ния ми́рови благослове́ние процвела́ еси́, тем Тя вси велича́ем.

Непло́дное бы́вшее Божéственных добродéтелей се́рдце моё, Пречи́стая Богоро́дице Де́во, покажи́ плодоно́сно, Я́же от непло́дныя ро́ждшаяся, хоте́нием вся Претворя́ющего ма́нием, да пою́ Тя, Всепе́тую.

Свётом Твои́м озари́ мя, Пренепоро́чная, ро́ждшая Свет Непристу́пный, разжени́ о́блаки страсте́й мо́их, и от тьмы несвётлыя исхити́ мя, и Божéственного Свёта сподо́би: я́ко да пою́ Тя, Ма́ти Де́во.

Слава: Кропле́нием, Чи́стая, Твои́х щедро́т омы́й гно́ения се́рдца моего́, источáти ми при́сно сподо́би струи́ слез мо́их, пото́ки страсте́й укрочáющи и му́ки избавля́ющи.

И ны́не: Благолю́биваго Бо́га ро́ждши, благолю́бивая Богоро́дице, любве́ мя плотски́я лука́выя ны́не вско́ре свободи́, Влады́чице, и поработи́ Божéственной во́ли, ле́ностию погиба́ющаго.